

# 外國大事記

民國八年八月一日

●德俄謝絕參加巴拿馬博覽會……德俄兩國。通告美國國務卿。均不願參加巴拿馬萬國博覽會。德國因美國新定之關稅案有所不利。俄國則因美國廢棄美俄商約之故。

同 二日

●羅保和議成立……羅馬尼亞與保加利亞之和議成立。保加利亞願割地於羅馬尼亞。自多勒加至巴爾的克。為兩國新劃之國境。保加利亞在新國境若干之距離以內。不得建造要塞。

●俄奧助保……俄國及奧大利。辯護保加利亞在講和會議之主張。

同 三日

●委內瑞辣國內之戰爭……委內瑞辣前總統加式羅。在哥羅布告與現總統柯美度宣戰。

●印度之暴動……印度千布爾因修築道路。須毀一寺院。土人羣起反對。警察前往攻擊。互有死傷。

同 四日

24765 ●羅保協約調印……羅馬尼亞與保加利亞締結臨時和約。於本

日調印。

●巴爾幹停戰期延長……保加利亞希臘塞爾維亞三國之和議。尚未成立。特再延長停戰期限三日。

同 五日

●美國調停墨西哥內亂……美總統威爾遜氏。派前明尼蘇達州知事林德。調停墨西哥內亂。

同 六日

●法國三年兵役案可決……法國元老院。可決三年現役制法案。  
●巴爾幹和議成立……巴爾幹諸國。在不加勒斯多開會之和議。已於本日締結和約。

同 七日

●英國開萬國醫學大會……萬國醫學大會。開會於英國。康那德親王代表英皇行開會禮。到會者七千人。

●列國對土之抗議……列國代表。通牒土耳其。令遵守倫敦條約。撤退亞德里亞那堡及西來斯之軍隊。

●巴爾幹無期停戰……巴爾幹講和會議。已決議無期停戰。

同 八日

24766

●德皇電頌羅馬尼亞王……德國皇帝致電羅馬尼亞王。稱頌其締造平和之功績。

同 九日

●土耳其之強硬……土耳其政府拒絕撤退德里亞那堡之軍隊。並進軍於南部西來斯。

同 十日

●巴爾幹和約調印……巴爾幹諸國議和條約。於本日在不加勒斯多調印。

同 十一日

●土耳其答覆列國之照會……土耳其答覆列國。謂土耳其欲確保君士坦丁堡之安全。不得不取亞德里亞那堡以自固。並謂列國欲維持平和。不可不使土耳其占有其地。

●俄國對法之抗議……俄國因法國以財政援助土耳其。向法國提出抗議。

●列國對於巴爾幹和約之主張……英法德均承認巴爾幹諸國之講和條約。不必再加修正。但俄奧兩國。尚持異議。不肯放棄修正之權。

同 十二日

●俄皇電頌羅馬尼亞王……俄皇亦發電頌羅馬尼亞王締結平和之功。

●列國大使會議議決愛琴海問題……倫敦列國大使會議。議決愛琴島嶼問題。意大利應據意土和約。讓還土耳其。但其中土耳其有應割讓於希臘者。仍由列國決定之。

●委內瑞辣革命失敗……委內瑞辣前總統加式羅之革命。已歸失敗。東部各地首領。多被擒縛。

●亞爾巴尼亞之爭鬪……接近亞爾巴尼亞國境之塞爾維亞人。與亞爾巴尼亞人。大戰於克羅雅。

同 十三日

●巴爾幹諸國之和好……巴爾幹五國國王。互發電信。頌揚締結平和之功。

同 十四日

●德國罷業終息……德國漢堡各地造船所之同盟罷業。已經終息。

●奧國放棄修正和約權……奧大利政府。聲明撤回修正不加勒斯多和約之主張。奧皇亦發電頌羅馬尼亞王之功。

●英國愛爾蘭之擾亂……愛爾蘭倫屯台里。國民派與統一派又起爭鬪。後經警察解散。負傷甚衆。

同 十五日

●加拿大罷業騷亂……加拿大舊古洼島之南那摩與婁提斯密鐵工。起大同盟罷業。警吏不能取締。遂下戒嚴命令。

同 十七日

●保加利亞對列國之通牒……保加利亞通牒列國。謂土耳其違背倫敦條約。列國並不干涉。殊欠公平。要求列國強迫土耳其退軍。

同 十九日

●海牙萬國平和會議開會

●希臘撤退軍隊……希臘據不加勒斯多條約。撤退南馬其頓沿岸之軍隊。

●土軍不再前進……土耳其政府通告列國。聲明軍隊不再前進。

同 二十日

●萬國平和會議決議縮少軍備案……海牙萬國平和會議。可決關於縮少軍備之議案三件。

●土耳其承認列國之要求……列國駐土大使。因土耳其軍隊越界前進。質問土耳其政府。土耳其總理大臣。即於俄使前發召還越境軍隊之命令。但亞德里亞那堡。尚被土軍占領。

同 二十一日

●墨西哥拒絕美國之提案……美總統向墨西哥提出之要求四條  
(一)禁止對敵行爲。(二)赫泰辭退總統。(三)早行總選舉。

24767  
擬即日還國。

同 二十三日

●土軍侵保……土耳其軍隊又侵入保加利亞本部。

同 二十四日

●俄國之同盟罷業……俄都聖彼得堡起同盟罷業。形勢擴大。

同 二十五日

●土保和議……土耳其與保加利亞。開直接議和談判。列國並無反對土耳其占領亞德里亞那堡之意。

同 二十七日

●愛爾蘭抵抗自治之舉動……愛爾蘭統一派。組織義勇隊。反對愛爾蘭自治法。

●美國對墨之中立……美總統威爾遜。本日親臨議會。報告墨西哥拒絕美國之要求。謂墨西哥實係誤解美國國民之感情。此時當嚴守中立。靜俟該政府之覺悟。以後禁止運入軍火於墨西哥。並勸告旅墨美民。歸國避難。

同 三十日

●愛爾蘭之暴動……愛爾蘭達布林電車工人。同盟罷業。大起暴動。後經軍警出隊彈壓。負傷者三百餘人。軍警受傷者三十人。